

SASKIBALOIA

ESKUBALOIA

Taugres, kalitateaz baliaturik

Baskoniak bistako nagusitasuna agertu eta irabazi zuen (92-98) Salamancan

92 SALAMANCA

Ramiro (2), Thomas (7), Martin (14), Vecina (15), Hall (16); Alarcon (11), Medianero (9), Arranz (18).

98 TAUGRES

Ferran Lopez (10), Perasovic (27), Nicola (19), Green (26), O'Sullivan (6); Dicenta (2), Reyes (2), Rivas (6).


ARBITROAK: Ramos eta Amoros.

GASTEIZ

Taugres-Baskoniak partiduko momentu erabakigarrietan kalitate erakustaldi pare bat eginenez neurtuta erabakita zeukan: aurreneko zatian Velimir Perasovicen hiru hirukok jarraian Baskoniaren aldeko lehen partzial mardula jarri zuten; bigarreanean, berriz, amaitzeko 10 minutu falta zirenean Marcelo Nicola eta Kenny Green ekintza konbinatuak epaia emanda utzi zuen (56-72).

Manel Comasen taldeak, beraz, hiru kalitate tanta ditu, baina oraindik 'berde' dabil, zoldu barik aurkariari kolpe erabakigarria emateko moduan ibili ahal izateko. Horrela, Gasteizkoek 16 puntuko aldea zeukatenean—eta errezena 20 puntura helduz neurtuta amaitzea zelarik—, Alarcon baseak erritmo gogorra ezarri, Salamanca hirukoak jaurtitzen hasi eta 88-91 jarri zen bukatzeko 33 segundu falta zirela.

Hala ere, etxekoan ametsa horretan geratu zen, hain zuzen ere, Salamanca urrun baitabil gaur egun kalitate sailkapena garrantzitsu horri dagokionez. Granger Hall eta Rafa Vecina ikaragarritzko esperientziadunak



Perasovic izan zen Taugreseko saskiratzaile onena, 27 punturekin.

OLALDE

dira, baina biok ez dira gai Kenny Greenen klaseari aurre egiteko; Salamancako Martin eta Thomas, bestela, ez dira txarrak, baina Peras eta Nicola bitxi ederak dira. Bakoitzak lortutako puntu kopuruari erreparatu besterik ez dago honetaz ohartzeko, eta hala argi geratzen ez bada, bakoitzaren fitxari.

Partiduak, bestalde, Dan O'Sullivan urduri bat agertu zuen. Estatubatuarrak badaki ez duela agian Gasteizko taldean jarraituko eta atzo saskiratze erreza egin zituen huts. Hala, berriz, Taugreseko marka polita jarri zuen 30 jaurtiketa libre gauzatu zituelako 31 saitautakoan!

Emaiza bera eta Salamancako kantxa gainean erakutsitako nagusitasuna eta kalitatea ez ziren ahuntzaren gauberdiko eztula izan, gorako bidea hartzeko.

Egun erabakigarriak

L.K.G. / GASTEIZ

■ Taugres-Baskoniak bihar YMCA Lahti taldea hartuko du Europako Kopan, eta partidua amaitutakoan hamabi eguneko atsedinari ekingo dio. Alabaina, oporralditxoan ere lanez gainezka izango dira: jokalariek entrenamenduak gogortu egin behar dituzte, teknikoek taldearen egituraz behin-betiko erabakiak hartu, eta kontu guztien gainetik David Salaren auziari amaiera egokia eman.

Bihar egun kabea izan liteke basearen inguruko ika-mikan.

Alde batera, jokariak prentsaurrekoa iragarri du, bere bertsioa eman nahi baitu. Bestalde, gaur gauean Saski Baskoniako Administrazio Kontseilua bilduko da, orain artekoa eta batez ere gaurgero egin beharrekoa aztertzearen. Josean Kerejetak aukera bi eman dizkio jokariaren agenteari: Sala onartu baina jokariaren beste depresioaren batetik babesteko klausularekin edo base gaztea ACBko jokariaren batekin trukatzeko. Agentek ezetza bota zion egun indarrean den kontratuari eutsi behar zaiolakoan.

Olajuwon-O'Neal lehia ez da jokatu azkenean

DONOSTIA

Hakeem Olajuwon eta Shaquille O'Neal piboten arteko lehia ez da jokatu azkenean. Atzoko iragarritako zegoen ikuskizuna, Atlantic Cityko (EEBB) Trump Taj Majal Resort kasinon, baina Houston Rockets taldeko izarrak min hartu zuen azken momentuan, eta guztia bertan behera geratu da. Olajuwon Londresen lesionatu zen, McDonald's Opena promozionatzeko ari zen bitartean. New Yorken egin zioten azterketa medikoa, eta dirudienek bizkarreko behealdean tiratua izan zuten. Hala ere, txosten medikoan ez da zehazten zer izan den lesioa

eragin duena. Egoera horretan, jakina, medikuek ez jokatzeko gomendatu zioten.

Olajuwon oso triste agertu zen komunikabideen aurrean. «Oso penaturik nago. Ilusio handia egiten zidan O'Nealen aurka jokatzeak, banakako lehian zer egiten dudana erakusteko aukera ematen zidan-eta».

ARBITROEN
KANPUSAK
ITXITA

Hau zen, hain zuzen ere, NBAren historian horrela-ko lehia egin behar zen lehen aldia, eta egungo munduko bi pibotik onenek (Robinsonekin batera) ari behar zuten arren, ikusmina ez zen antolatzaileek espero bezainbestekoa. Ezta gutxi-

gorik ere.

Gaurtik aurrera kanpus guztiak itxiko dira sindikatuaren barruan dauden arbitroentzat, atzo bertan NBAk jakitera eman zuenez. Erabakia Arbitro Profesionalek Elkarteak NBAk aurkeztutako akordioa atzera bota ondoren hartu zen. Akordio horretan, bi aldeek greba ez egiteko konpromezua hartzen zuten, eta kanpusen ixtea konbenio berria negoziatzeko ari zen bitartean gertatu da.

NBAk % 10eko igoera eskaini zion arbitroei denboraldi honetarako, eta % 30ekoa 5 urteko konbenioa amaitzean. Arbitroek, ordea, ez zuten onartu, eta % 70eko igoera exijitu zuten.

Gauzak horrela, NBAk arbitro berriak kontratatzeari ekin dio, gaur irekiko diren kanpusetan egon daitezen beste profesionalen orde. Urriaren 12an hasiko den denboraldi-aurterik aurrerako partidua guztiak arbitratuko dituzte arbitro berri hauek.

«Alde ekonomikoan ezadostasuna zegoen arren, geldialdia ekiditeko itxaropena genuen, iaz jokalariekin egin genuen bezala», adierazi du Jeffrey Mishkin NBAko arduradun legalak. «Arbitroek eskaintza atzera bota zuten, aukera bakarra kanpusak ixtea izan zen». NBAko arbitroek batez beste 150.000 dolar (18 milioi pezeta inguru) irabazten dute urtero.

Bidasoa garaile
atera zen partidua
kaskarrean

DONOSTIA

Elgorriaga Bidasoak bi puntuak lortu zituen atzo, Irungo Artaleku kiroldegian Conquense ahularen kontra jokatutako partiduan (15-12). Juantxo Villarrealen mutilak Iruñean puntu bat galtzetik zetozen, eta atzokoan ez zuten huts egiteko inolako asmorik. Oleg Kisselev eta Nenad Perunicic gabe ere, Conquense baino askoz hobe da Elgorriaga Bidasoa, eta kantxa gainean hori erakustea besterik ez zuten.

Ez zen partidua ikusgarria gertatu. Gol gutxi izan ziren bien aldetik, erasoan ez zirelako oso fin ibili. Dena den, Elgorriaga Bidasoak ez zuen beste ezeren beharrik izan. Hasieratik hartu zuen aurrea markagailuan, eta azkenean arte alde horri eutsi beste lanik ez zuten egin.

SAN ANTONIO
GALTZAILE
OZTA-OZTA

taldeak bere denboraldi hasiera harrigarriarekin jarraitzen du. Joan den astean Elgorriaga Bidasoarekin berdindu eta gero, Teka liderraren kantxa bisitatu behar zuten Zupo Ekisoainen mutilek, eta punturik lortu ez arren, arazo asko sortu zizkieten etxekoei (25-24). Markagailuan aurretik ibili zen Teka partiduen zatirik handienean, baina Lagun Aro San Antonio markagailuan aldea ez handitzea lortu zuen, eta azken momentura arte zerbait egiteko aukerarekin heldu zen, gol baten inguruan. Azkenean ordea, Tekak bere esperientzia agerian utzi zuen, eta bi puntuak Santanderren geratu ziren. Gol bakar batengatik. Dena den, pozik egoteko arrazoirik badute iruñearrek, horrela jarraituz gero, gauza politak egiteko moduan baitira aurtan.

Barakaldo-UPV taldea esku hutsik itzuliko da etxera, atzo Galizia aldean Pilotes Posada Octavioren aurka 36-31 galdu ostean. Bizkaitarrak gogor borrokatu ziren, baina Pilotes talde sendoa da, eta momentu erabakiorretan, hobeto asmatu zuen. Honela, Barakaldok Ohorezko Mailan punturik eskuratu gabe jarraitzen du.